

第一冊第四課 鳥仔

〈上恰意的動物〉

口白：暗頓食飽，豆仔規家伙仔去公園散步。佢一面散步 一面開講。

丸仔：今仔日上課，老師有問阮上恰意啥物動物喔？

豆仔：丸仔，你上恰意貓，著無？

丸仔：阿兄，你哪會知影？

豆仔：看你的房間一四界攏是貓仔的圖，用跤頭趺想就知影矣。哪著臆？

丸仔：阿兄，我臆你上恰意猴。

豆仔：為啥物你會臆猴？

丸仔：因為你瘦甲像猴咧。

豆仔：丸仔，你敢罵我，看我的厲害。

丸仔：阿母，你看阿兄啦。有夠歹的，敢若一隻虎。

阿母：好矣啦，恁莫閣鬧矣。我臆豆仔上恰意的動物是狗。

豆仔：猶是阿母較厲害 一臆就著。

丸仔：阿母，抑你上恰意的動物是啥物啊？

阿母：我上恰意兔仔。

丸仔：為啥物？

阿母：因為兔仔生做真古錐啊。

丸仔：阿爸，你上恰意牛，著無？

阿爸：丸仔真巧呢。

丸仔：因為牛真骨力，恰阿爸全款。

阿爸：丸仔真勢講話喔。

豆仔：若按呢敢有人恰意豬咧。豬食飽暍，暍飽食。

丸仔：豬嘛真古錐啊。

豆仔：嗯，真古錐，恰丸仔全款古錐。

丸仔：這攏愛感謝阿母，共我生做遮古錐。

豆仔：這……

阿母：豆仔，你喔。

豆仔：失禮啦。

【講看覓】

第一、暗頓食飽，豆仔個規家伙仔去佢位散步？

第二、講看覓，豆仔個兜的人上佢意啥物動物？